

Datum: 21.12.2023. godine

*Neruko Predsjedavajućeg
Skupštine*

Broj sjednice: 13. radna sjednica

Vrsta sjednice: redovna

Predmet: Amandman, *dostavlja se*

Na osnovu članova 151. i 152 Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) upućujem sljedeću

| | | | |
|--------------------|----|---------|--------------|
| POSNA I BILAGAVINA | | | |
| KANTON | | | |
| DNEVNI RED | | | |
| 22-12-2023 | | | |
| 01 | 09 | 52054-1 | Broj priloga |

AMANDMAN I

Umanjuje se pozicija Ministarstva za privredu Kantona Sarajevo „Tekući transfer Turističkoj zajednici KS za sufinansiranje projekata od značaja za razvoj turizma“ ekonomski kod 614300 u iznosu 500.000,00 KM i uvodi se nova pozicija u Ministarstvu zdravstva na ekonomskom kodu 614200 „Sufinansiranje troškova vantjelesne oplodnje“.

OBRAZLOŽENJE

Često, u svojim diskusijama pominjemo potrebu za pronatalitetnom politikom u Kantonu Sarajevo ali nažalost ista ostaje samo u domenu špekulacija i rasprave. Moramo biti svjesni da je jedan od ključnih problema u pojavi bijele kuge nemogućnost bračnih parova da na čisto biološki način ostvare potomstvo. Smatram da povećanjem izdvajanja za proces vantjelesne oplodnje na određeni način kompenziramo ne samo nedostatak brige za ovu pojavu već i umanjujemo faktor stresa potencijalnim roditeljima a kojeg smo i sami najčešći uzrok. S obzirom da je proces dodatno usložen usvajanjem zakona na Federalnom nivou smatramo da je vrlo bitno ozdvojiti pomenuta sredstva na ovom nivou vlasti.

AMANDMAN II

Umanjuje se pozicija Tekuća rezerva u iznosu 100.000,00 KM a povećava se pozicija 821300 „Nabavka opreme“ - Univerzitet u Sarajevu – Fakultet sporta i tjelesnog odgoja.

OBRAZLOŽENJE

Fakultet sporta i tjelesnog odgoja odnosno Institut za sport koji djeluje u okviru pomenute organizacijske jedinice Univerziteta u Sarajevu prednjači u državi u naučno-istraživačkoj djelatnosti i rezultatim koje postiže te pripremama, oporavku i rehabilitaciji uspješnih sportista i studenata kroz aktivnost, programe te opremu koju posjeduje. Uzimajući u obzir da je trenutno u pripremi usvajanje Zakona o sportu ovim će se unaprijediti rad sa sportistima. Pomenuta sredstva su neophodna fakultetu za nabavku opreme koja će uveliko unaprijediti naučno-istraživačku djelatnost a samim tim i rezultate koje postiže fakultet. Pored toga u konačnici oprema će se koristiti i za tretiranje i rehabilitaciju sportskih ozljeda. Posjedovanjem pomenutog uređaja Fakultet sporta i tjelesnog odgoja će biti u mogućnosti odgovoriti na sve zahtjeve i izazove koji se nalaze pred njim.

AMANDMAN III

Umanjuje se pozicija Ministarstva za odgoj i obrazovanje „Komisije za izradu nastavnih planova i programa, zakona i podzakonskih akata“, „Komisije za organizaciju takmičenja učenika“ i „Komisije za polaganje stručnih ispita nastavnika“ ekonomski kod 613 900 u iznosu 140.000,00 KM i uvodi se nova pozicija u okviru istog ekonomskog koda „Subvencija za pohađanje produženog boravka u Centrima“.

OBRAZLOŽENJE

U skladu sa dogovorom sa predstavnicima Vijeća roditelja bitno je pronaći modus izuzimanja Centara “Vladimir Nazor” i “Mjedenica” iz Pravilnika o naknadi plaćanja produženih boravaka na području Kantona Sarajevo. Tražena sredstva su neophodna za subvencioniranje stopostotnog iznosa za cca 70 učenika koji pohađaju produženi boravak u Centrima.. Broj djece može varirati ali je vrlo bitno naglasiti da je neophodno obuhvatiti sve polaznike produženog boravka.

AMANDMAN IV

U Ministarstvu privrede povećava se pozicija 615500 – Kapitalni transferi privatnim preduzećima i poduzetnicima – Nov (Program subvencioniranja nabavke i ugradnje filtera za prečišćavanje zraka za industrijske subjekte u KS) iznos 4.000.000 KM od čega 1.000.000 KM iz izvora 10 i 3.000.000 KM iz izvora 60.

U Ministarstvu privrede umanjuju se sljedeće pozicije: 614300 – Tekući transfer TZ KS za iznos 500.000 KM (izvor 10), zatim 614400 – Tekući transfer podrška poslovanju KJKP ZOI 84 Olimpijski centar Sarajevo za iznos 500.000 KM (izvor 10), kao i 615400 – Podrška projektima KJKP ZOI 84 Olimpijski centar Sarajevo za iznos 3.000.000 KM (izvor 60).

OBRAZLOŽENJE

Program borbe protiv zagađenja – industrijski subjekti. U budžetu za 2024. odobriti subvencioniranje nabavke i ugradnje adekvatnih filtera za industrijske zagađivače zraka u svrhu poboljšanja kvaliteta zraka i smanjenja zagađenja zraka u KS.

AMANDMAN V

U Ministarstvu za odgoj i obrazovanje povećava se pozicija 614300 – Tekući transferi neprofitnim organizacijama (Nov) – program sportskog aktivizma za srednje škole za iznos 400.000 KM.

U Ministarstvu kulture i sporta umanjuje se pozicija 614300 – Projekti podrške kinematografije (Nov) za iznos 400.000 KM.



OBRAZLOŽENJE

Program sportski aktivizam za mlade u KS. U budžetu za 2024. odobriti sredstva za sportske aktivnosti mladih (srednjoškolski uzrast) putem Saveza izviđača i Sportskog saveza KS u svrhu podrške razvoju fizičkih, umnih i društvenih potencijala srednjoškolaca u KS (orijentacija na karti i u prirodi, topografija, ostale izviđačke aktivnosti, sportsko streljaštvo, itd.).

AMANDMAN VI

U Ministarstvu privrede uvećava se pozicija Kapitalni projekti iz šumarstva 615400 – za povećanje po osnovu programa intenzivnog pošumljavanja u KS za iznos 500.000

U Ministarstvu kulture i sporta umanjuje se pozicija 614300 – Projekti podrške kinematografije (Nov) za iznos 500.000 KM.

OBRAZLOŽENJE

Program intenzivnog pošumljavanja u KS. U saradnji sa Kantonalnom upravom za šumarstvo pokrenuti program intenzivnog pošumljavanja u KS kao dio šumskouzgojnog upravljanja šumama, sa ciljem sadnje 500.000 novih sadnica kako bi se obnovile zelene površine i pospješila zaštita okoliša, očuvao hidrografski bazen u KS, spriječila erozija tla i nastanak klizišta, podržala dugoročna održivost proizvodnje drvnih sortimenata za drvnoprerađivačku i industrijsku upotrebu, očuvale prirodne šume, stvorili preduslovi za kreiranje rekreacijskih zona u KS, itd.

Mahir [redacted] šef Kluba SDA